

DE SEMINE CETI

breui postea graui odore butyri quadrupedum instar viciatur, & colorem mutat. Odor certè paululum inueterati, nescio quid casei præ se fert: unde ego aliquando coaguli vim habere suspicatus, lacti addidi vt experirer, quod tamen inde coagulatum nõ est: siue quòd coagulum nõ sit (quod etiam aquatilium habent ea quæ lactent vt phocæ) siue quòd in aqua degentium coaguli vis non eadẽ sit quæ terrestrium. Vtcunq; est, maris adeps aut oleum, vel Cetaceus adeps innatans mari, non genitura ceti, nec halofanthos, esse & dici posse, ac debere mihi videtur. Nuper quidem clarus doctrina & omnium virtutum genere vir Vvolphgangus Meurerus medicinæ ac philosophiæ in illustri Academia Lipsica professor, mihi de huius remedij facultatibus per literas percunctato his verbis respondit: De usu halofanthi (secundum Val. Cordũ dicti) nihil aliud habeo, nisi quod sciã
vulgò